

## Newyddion Diweddaraf Data Cymru – WSLC Hydref 2023

### Arolwg boddhad preswylwyr Bro Morgannwg

Mae cyngorau lleol yng Nghymru yn cynnal arolygon boddhad preswylwyr rheolaidd. Mae'r rhain yn aml yn cael eu comisiynu ar sail cyngorau lleol unigol ac nid yw'r canlyniadau bob amser yn gymaradwy ledled Cymru.

Er mwyn lleihau costau a chynyddu cymaroldeb, rydym wedi cyd-ddatblygu arolwg boddhad preswylwyr â Chyngor Bro Morgannwg. Mae'n fodiwlaidd, sy'n golygu y gellir gollwng blociau o gwestiynau i mewn ac allan o'r arolwg yn ôl yr angen.

Mae'r arolwg yn y maes ar hyn o bryd, ar ôl denu bron i 2,000 o ymatebion mewn tua 6 wythnos.

Rydym yn bwriadu cynnig yr arolwg hwn i bob cyngor lleol yng Nghymru. Os oes gennych ddi-ddordeb mewn trafod sut y gallai eich cyngor lleol ddefnyddio'r arolwg hwn, cysylltwch â Sam Sullivan

### Cyhoeddi canllawiau hyfforddi

Rydym wedi cyhoeddi canllawiau hyfforddi yn ddiweddar ar:

- Cyfleu eich pwynt: Cyflwyniad i gyflwyno data'n effeithiol
- Deall eich gwybodaeth: Cyflwyniad i ystadegau cryno
- Clywed gan ddinasyddion: Cyflwyniad i ddylunio a chynnal arolygon
- Ymgysylltu â dinasyddion: Cyflwyniad i ddylunio a rhedeg grwpiau ffocws

Maent ar gael yn rhad ac am ddim ar ein gwefan. Gwiriwch nhw yma

### Dangosfwrdd Proffil Ardal Leol – fersiwn beta ar gael

Yn ddiweddar, rydym wedi darparu fersiwn terfynol Beta ein hofferyn proffil ardal leol ar ein gwefan [LINK] i gydweithwyr awdurdodau lleol trwy Benaethiaid Polisi, Penaethiaid Gwasanaethau Democrataidd, a rhwydweithiau Perfformiad a Data. Mae'r offeryn yn defnyddio data'r Cyfrifiad mewn ardaloedd daearyddol wardiau ac ACEHI i beintio darlun o ardaloedd lleol, gan gwmpasu'r chwe thema isod:

- Pobl
- Cyflogaeth a sgiliau
- Iechyd a gofal
- Cludiant
- Tai

- Iaith a hunaniaeth.

Am fwy o wybodaeth, cysylltwch â [Suzanne Draper](#).

### Rhaglen weminarau 'Hysbysu ac Ysbrydoli'

Rydym ni'n cynnal gweminarau rheolaidd fel rhan o'n rhaglen weminarau 'hysbysu ac ysbrydoli' a gafodd ei lansio'n ddiweddar. Mae dwy brif thema i'r rhaglen, sef:



Mae ein gweminarau **Data/Hysbysu** yn cynnig cyflwyniad lefel uchel i bynciau amrywiol sy'n ymwneud â data, ystadegau ac ymchwil.



Mae ein gweminarau **Data/Ysbrydoli** yn dangos enghreifftiau o waith arloesol ac ysbrydoledig rydym ni a/neu gyrff eraill yn ei wneud gyda data.

I gadw lle, ewch i [TicketSource](#).

Am fwy o wybodaeth, cymerwch gip ar ein gwefan: <https://www.data.cymru/cym/webinars>

Os ydych chi wedi colli unrhyw rai o'n gweminarau, gallwch chi edrych yn ôl ar recordiadau o'r rhai blaenorol yma: <https://data.cymru/cym/previous-webinars>

I fod ymhlith y cyntaf i glywed am sesiynau'r dyfodol, '[cofrestrwch](#)' i'n rhestr bostio 'Hysbysu ac Ysbrydoli'.

Rydym ni bob amser yn chwilio am gynnwys ar gyfer gweminarau. Os ydych chi wedi gweld, wedi gwneud, neu wrthi'n gwneud rhywbeth diddorol, arloesol ac ysbrydoledig gyda data, byddem ni wrth ein bodd i glywed amdano – llwyddiannus neu beidio.

Yn yr un modd, hoffem ni glywed eich awgrymiadau am bynciau data, ystadegau neu ymchwil y dyfodol yr hoffech chi ddysgu mwy amdany'n nhw.

Am fwy o wybodaeth, cysylltwch â [Suzanne Draper](#).

### Meithrin capasiti - rhaglen hyfforddiant yn yr arfaeth...

Ydych chi'n awyddus i ddysgu mwy am gasglu a defnyddio data? Ydych chi'n gweithio gyda data ac eisiau cael rhagor o werth ohono? Ydych chi'n ystyried ehangu'ch sgiliau?

Rydym ni wedi datblygu cyfres o gyrsiau hyfforddiant a fydd yn eich **cyflwyno** i:

- Ystadegau cryno
- Cyflwyno data
- Dylunio a dadansoddi arolygon
- Cynllunio a chyflwyno grwpiau ffocws.

Os hoffech chi drafod eich gofynion chi, cysylltwch â [Sam Sullivan](#).

### Cyrsiau hyfforddiant NEWYDD

Rydym wedi lansio dau gwrs hyfforddiant newydd yn ddiweddar, sef:

### **Data 101: cyflwyniad i ddeall a defnyddio data**

Mae'r cwrs yma yn cynnig arweiniad ymarferol i helpu i feithrin sgiliau a hyder wrth ddeall a defnyddio data. Erbyn diwedd y cwrs byddwn chi'n deall:

- beth yw data a sut mae dod o hyd iddo
- y cwestiynau mae angen i chi eu gofyn wneud yn siŵr eich bod chi'n deall data
- rhai technegau sylfaenol ar gyfer defnyddio data.

### **Deall a defnyddio data perfformiad**

Mae'r cwrs yma yn cynnig arweiniad ymarferol i helpu i feithrin sgiliau a hyder wrth ddeall, herio a defnyddio data. Erbyn diwedd y cwrs byddwn chi'n deall:

- beth yw data perfformiad a sut mae dod o hyd iddo
- beth mae angen i chi ei ystyried wrth weithio gyda data perfformiad
- sut i ddefnyddio data perfformiad.

Mae'n cael ei argymhell, ond nid yw'n hanfodol, eich bod chi'n mynychu ein cwrs hyfforddiant 'Data 101: cyflwyniad i ddeall a defnyddio data' o flaen y cwrs hwn.

Mae gan y ddau gwrs fersiynau penodol i Gynghorwyr yn ogystal â fersiynau wedi'u hanelu at yr holl staff. Mae pob un yn cymryd tua awr a hanner a gellir eu cyflwyno ar-lein neu wyneb yn wyneb ar amser / dyddiad sy'n gyfleus i chi. Cyfyngir y niferoedd i 20 fel arfer.

Am fwy o wybodaeth, gweler ein [gwefan](#).

### **Cymunedau Ymarfer**

Wrth i ni symud i mewn i'r flwyddyn galendr newydd, byddwn yn ymgysylltu ag aelodau ein cymunedau i ddarganfod beth maen nhw am ei gael allan o'u haelodaeth a sut rydym ni / y gymuned yn gallu helpu gyda hynny. Yn ogystal, byddwn yn edrych ar y posibilrwydd o gyfleoedd rheolaidd i gwrdd er mwyn caniatáu i gydweithwyr rannu meddyliau, syniadau neu allbynnau.

Rydym yn gweithio gyda chydweithwyr o bob rhan o'r sector cyhoeddus hefyd i sefydlu cymunedau ymarfer pellach. Er enghraifft, rydym yn gweithio gyda Llywodraeth Cymru i archwilio Cymuned Ymarfer ar gyfer cydweithwyr sy'n ymddiddori mewn data geo-ofodol.

Os credwch y byddech chi ar eich elw o fod yn rhan o'r cymunedau newydd cyffrous hyn, gweler ein [tudalen we Cymunedau Ymarfer](#) am fanylion sut mae cymryd rhan.

Os hoffech chi gael rhagor o wybodaeth neu os oes gennych chi awgrym am Gymuned Ymarfer, cysylltwch â [Róisín Roberts](#).